



Kattusseqatigiit Partiiat

17. august 2012

UKA 2012/45

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

Apeqquteqaat aallaavigalugu oqallisissiaq: Inunnik ikiorsiisarneq pillungu inatsisartut oqallinnissaannik siunnersuut.

(Inatsisartunut ilaasortaqa Knud Fleischer Kattusseqatigiit Partiiat).

Tungavilersuut:

Kattusseqatigiit Partiianiit siunnersuut, innuttaasut arlaqartut saaffinginnittarnerat tunuliaqti-aralugu saqqummiupparput.

Tassani pineqarluni, inunnik ikiorsiisarnerup aaqqissuussaanaera pissusissamisoornersoq ilaatigut innuttaasut ilaanniit apeqquserneqarmat.

Tassa assersuutigalugu uparuarneqartartut ilaatigut makkuupput;

Kingullermik aasaq manna tusarparput sinerissap ilaani aalisaleruttorfiup nalaani fabrikkit ilaat sulisussaqaannginneq pissutigalugu matoqqasariaqartartut aammalu tunisassiassat ilaatigut asiutiinnarneqartartut. Taamatut pissuseqarnerput qularnanngilluinnartumik inuiaqatigiinnut aningaasarpassuarnik annaasaqaataasartoq takorloorneqarsinnaavoq.

Taamaattumik Kattusseqatigiit Partiianiit pissutsit piviusut aallaavigalugit inunnik isumaginninnerup iluani pissutsinik ilorraap tungaasut saatitsinissaq aammalu inuiaqatigiinnut iluaqutaasumik aaqqiissuteqarnissaq siunertaralugu oqallisissiaq manna saqqummiupparput.

Tassa ullumikkut inunnik isumaginninnermi aaqqissuussineq sukkuat aamma qanoq iluarsartu-unnearuni innuttaasunut inuiaqatigiinnullu pitsaanerpaamik iluarsineqarsinnaava ?

Ilumoorsinnaanngilarmi inuit nammineerusuttut aammalu suliffissaaleqisut amerlingaluttuinnarfianni, fabrikkit ilaat sulisussaaleqineq pissutigalugu matusariaqartarsimappata imaluunniit tunisassiassat killeqareeqisut sulisussaqaannginneq pissutigalugu asiutiinnarneqartassappata.

Tamanna pisuussutinik atorluaanerunngitsoq aamma inuiaqatigiit aningaasaataannik atorluaanerunngitsoq Kattusseqatigiit Partiianiit isumaqarpugut.

Kattusseqatigiit Partiiani isumaqarpugut inuiaqatigiinni naligiinnginneq minnerulersis-sagutsigu aamma inunnik isumaginninikkut ikiorneqartariaqalersimasut nammineernerulernissaannut pitsaanerusunik periarfissarsiuuttariaqarivut.

Tassa inunnik isumaginnittoqarfimmiit pilersorneqarneq sapinngisamik minnerpaaffissaanniit-inniarnissaa anguniarneqartariaqartoq.

Kattusseqatigiit Partiiianiit nalunngilarput suliassaq imaaliallaannarlugu aqqikkuminaassinnaasoq, kisianni aamma isumaqarpugut susassaqtut assigiinngitsut, soorlu kommunit, sulisitsisut allallu attuumassuteqtut suleqatigalugit pissutsit naammaginangitsut ilorraap tungaanut saatinniarnernut suleqatigineqartariaqtut.

Kattusseqatigiit Partiiianiit ersarissumik oqaatigissuarput, inuit ikiortariaqtut soorunami pi-sortaniit ikiorneqarnerat pisariaqarmat aamma taamaattussaavoq, kisianni inuit peqqissut nukissallillu ilaatigut nammineersinnaangaluartut pisortaniit isumalluuteqarpallaalertarnerat inuiaqatigiit nammineernerulerusuttut siunertaannut naapertuuttut takorloorsinnaanginnatsigu.

Kisianni erseqqissaqqillarput, assersuutigalugu, inuk ukiorpassuarni aalajaatsumik inuiaqatigiinni kiffartuussisimasoq, tassangaannartunik immaqa nappaammik allamilluunni akornuteqalerneq pissutigalugu nammineersinnaajunnaarsimasoq soorunami ikiorneqartariaqarpoq. Ikiorneqartussallu ukiumi siuliani aningaasarsiarisimasai apeqqutaasariaqanngitsut Kattusseqatigiit Partiiiani isumaqarpugut.

Taama Inatsisartunut aamma naalakkersuisunut apeqqutigerusupparput, assersuut – aasakkut fabrikkut sulissussaaleqisillugit inuit ilaat sulisinnaangaluarlutik suliumanngitsut ikiorsiissutunik tunineqaannartassanersut ?

Neriuppungut oqallissaarupput oqallisigilluarneqarumaartoq.